



Inatsisartunut ilaasortaq
Múte B. Egede, Inuit Ataqaatigiit

**Pikialasorsiaq pillugu isumalioqatigiissitaq pillugu § 37 naapertorlugu
apeqquteqaammut nr. 155-2019-imut akissut**

Allakkap ullua: 02-04-2019
Suliap nr.: 2019-8546
Akt-id: 10442180

Asasara Múte B. Egede

Postboks 1614
3900 Nuuk

Ulloq 25. marts 2019 Pikialasorsuaq pillugu isumalioqatigiissitaq pillugu
Naalakkersuisunut apeqquteqaateqarsimavutit. Apeqqutit uannit
akissuteqarfigneqartussatut innersuunneqarput.

Oqa. (+299) 34 50 00
Allakkasuaat (+299) 34 54 10
E-mail: pan@nanoq.gl
www.naalakkersuisut.gl

**1. Naalakkersuisut Pikialasorsuaq pillugu isumalioqatigiissitaq qanoq
isumaqarfigaat?**

Pikialasorsuaq pillugu isumalioqatigiissitaq soqutiginartumik, ilaatigut Pikialasorsuarmik
eqqaanillu atuineramik qulaajaqataasumik suliaqarsimavoq. Pikialasorsuaq pillugu
nalunaarusiaq, nalunaarusiat sinneri ilagalugit aamma Pikialasorsuaq eqqaalu pillugit
ilisimasat, Naalakkersuisut sumiiffimmi angallannerup aamma sammisat allat
malittarisaliuullugit sulinerannut ilaapput, ilagalugit pinngortitamik, avatangiisinik aamma
isumalluutinillu uumassusilinnik illersuineq.

**2. Naalakkersuisut Pikialasorsuaq pillugu danskit oqartussaasuinut Canadap
oqartussaasuinik oqaloqatiginninnissaq siunertaralugu saaffiginnittoqarnissaanik
Pinngortitamut, Avatangiisinut Ilimatusarnermullu Naalakkersuisoqarfik
pisinnaatinneqassasoq aalajangerput, suliaq tamanna sumut killippa?**

A. Saaffiginnissuteqarniarneq sumit tunngaveqarpa?

Pikialasorsuaq pillugu atorfilltatigoortumik kalaallit aamma danskit oqartussaasuisa
akornanni ataatsimiittoqarpoq. Aammalu Pikialasorsuaq pillugu aallarnisaataasumik
Canadami oqartussaasuinik ataatsimiittoqarpoq. Tassunga atatillugu
maluginiarneqarpoq, Pikialasorsuaq ilaammat sumiiffik, Kalaallit Nunaata aamma
Canadamit assigiimmik pigineqartoq, kiisalu imaani pisortat Kalaallit Nunaat
eqqarsaatigalugu, kalaallit aamma danskit pisortaasa akornanni avinneqarsimammat.

Pikialasorsuarmik ingerlatsinerup siunissami qanoq ingerlanissaa pillugu, pisortat
attuumassutillit akornanni pitsaasumik suleqatigiinnerup qulakkeerneqarnissaa
siunertarineqarpoq.

q

3. Píkialasorsuaq pillugu isumaliqatigiissitaq pillugu allamik paasissutissamik Naalakkersuisut peqarpat?

Naamik.

Inussiarnersumik inuulluaqqusillunga


Siverth K. Heilmann

INUIT ATAQATIGIIT

Inatsisartuni



25.03.2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Naalackersuisut Pikialasorsuaq pillugu isumalioqatigiisitaq qanoq isumaqarfigaat?
2. Naalackersuisut Pikialasorsuaq pillugu danskit oqartussaasuinnut Canadap oqartussaasuinnik oqaloqatiginninnissaq siunertaralugu saaffiginnittoqarnissaanik Pinngortitamut, Avatagiisinnut Ilisimatusarnermullu Naalackersuisoqarfik pisinnaatinneqassasoq aalajangerput, suliaq tamanna sumut killippa?
 - A. Saaffiginnissuteqarniarneq sumit tunngaveqarpa?
3. Pikialasorsuaq pillugu isumalioqatigiisitaq pillugu allamik paasissutissamik Naalackersuisut peqarpat?

(Inatsisartuni ilaasortaq Múte Bourup Egede , Inuit Ataqatigiit)

Tunngavilersuut:

Issittumi Pikialasorsuaq tassaavoq uumasut nerisaqaqatigiinneranut tunngavipput, taamaattumillu issittumiinnaanngitsoq nunarsuarmioqatigiittullu imartaq taanna eriagisassaraarput. Tamannalu suleqatigiissutigineqarnissaa pillugu isumalioqatigiisitaq Pikialasorsuaq pinngorpoq. Naalackersuisut 28.12.2018 ataatsimiissimanerannit imaqarniliaq innersuullugu aalajangerneqartut sumut killinnersut qanorlu pilersaaruteqarfigineqarnersut apeqquteqaateqarninni paaserusuppakka.

Kissaatigivara apeqquatikka ullut suliffiusut qulit qaangiutinnginneranni akineqarnissaat.